

## THE HUKUURAA API

I neia i te piha neneiraa na te Ekalesia a Iesu Mesia i te Feia  
Mo'a i te Mau Mahana Hopea Nei i Papeete, Tahiti,  
i te mau fenua Sotaiete, i te mau avae atoa.  
Te hoo e piti farane i te matahiti hoê.

Nu. 4.

Eperela 1927.

Mat. 21.

*"E ua riro taua orama atoa ra mai te parau i roto i te  
buka piakia ra ia outou; peneiaé ia tuuhia' tu i te taata ite i  
te tai'o parau ra, a na ô atu ai, A tai'o na oe i tera ra buka;  
te parau maira oia, Eaha e tia'i ia taio, tei piakia: e ia  
hopoi hoi i taua buka ra i te taata aore i ite i te tai'o parau,  
a na o atu ai, A tai'o na oe i tera ra buka; te parau maira  
oia, Aore au i ite i te tai'o parau. (Isaia 29:11-12)*

### Te Bibilia e te Buka a Moromona

TE PARAU A TE ATUA: "E rave â hoi oe, e te tamaiti  
a te taata na, i te hoé raau e papai i nia iho, na Iuda  
e na te tamarii a Iseraela, o to'na ra mau hoa; e mai reira  
hoi a rave ai i te tahi raau a papai i nia iho, na Iosepha, te  
raau a Epharaima, e te utuafare atoa o Iseraela, o to'na mau  
hoa; A taati atu ai i te tahi i te tahi ia hoé a raau; e riro  
ei hoé i roto i to rima na." (Ezekiela 37:16,17)

"E no te mea e Bibilia ta outou, eiaha outou e manaó  
e, tei roto i te reira ta'u mau parau e hope roa aé; e eiaha  
atoa e manaó e, aore atu a parau i papaihia i ta'u ra faane.  
Te faane ra hoi au i te taata atoa i te pae i te hitia o te râ,  
e i te pae i te tooa o te râ, e i te pae i te apatoeran, e i te  
pae i apatoa, e i te mau feua moana ra hoi, ia papai ratou



i te mau parau ta'u e parau atu ia ratou; na roto hoi i te mau buka i papaihia ra, e haava vau i to te ao, te taata atoa e au i ta'na ra ohipa, mai tei papaihia ra. (II Nephi 29:10,11)

A taió maitai outou i te mau parau i papaihia i roto i te mau irava i nia nei, e haapîi i te mau parau maitai atoa, noa'tu to'na tupuraa mai, no te mea, te parau nei Iesu e, "E o te mea te aratai i te taata ia ravé i te ohipa maitai, no roto atu ia ia'u; aore hoi te maitai i no roto atu i te hoé mea maori ra no'u anaé. O vau nei o te aratai i te mau taata maitai atoa ra, o te ore e faaroo i ta'u mau parau, e ore atoa oia e faaroo ia'u, e te vai nei au; e o tei ore e faaroo ia'u e ore otoa ratou e faaroo i te Metua i te tonono mai ia'u nei ra." (Etera 4:12)

TE TUATAPAPA PARAU NO TÊ BIBILIA: Na roto i te mau parau papai i roto i te Bibilia na ite tatou e. o Mose ia te hoé peropheta a te Aua; e ua ite atoa tatou e, na'na i papai te parau matamua i roto i te Bibilia, oia hoi, Genese, Exodo, Levitiko, Numera, e Deuteronomi; e ua ite atoa tatou, e taata parau tia oia. I teie nei râ a feruri tatou i te tau no to Mose oraraa e to'na papairaa i te mau parau i roto te Buka a te Atua, oia hoi te Bibilia.

Ua fanau Mose i te matahiti 1571 hou te Mesia, oia hoi teie ia te matahiti i manaóhia e te mau taata ite o teie nei ao. (Exodo 2:1-2) A haamanaó tatou i te taima Mose i faarii ai te tuatapaparaa parau o te ao nei. A taió tātou i Exodo i te pene 24:4, "Te na ô maira taua irava ra e, "Ua papai ihora Mose i te mau parau atoa a lehova ra, e ua tia aéra oia i nia i te poipoi roa, ua hamani ihora i te hoé fâtâ i te tumu o taua mouá ra, e ua faatia aéra i na pou ofai hoé ahuru ma piti, no te mau opu o Iseraela tino ahuru ma piti ra." Ua tupu teie mau parau i te matahiti 1491 hou te Mesia, e 80 matahiti to Mose i te reira tau. Teie nei râ, a haamanaó tatou i te anotau no to'na iteraa i te mau mea i papaihia i roto i Genese. E papu ia e, ua papaihia teie mau mea i roto i te matahiti 1550 e te matahiti 1491 hou te Mesia. Ua itea te parau no to'na ra poheraa i roto i te



i te Deut. 34:5, oia hoi ua pohe oia i te matahiti 1451 hou te Mesia. No reira, ua ite tatou e, 120 to'na matahiti ia'na i pohe ai.

Teie nei, ua ite tatou i te mau matahiti o te Bibilia, oia hoi, e 3417 matahiti to'na itea-raa-hia, mai te matamua mai â e tae noa mai i teie nei â.

Teie te hoé irava i roto i te Buka a Moromona tei haa-papu ia tatou e, ua moe te tahi mau parau faufaa rahi o te Bibilia; te na ô maira taua irava ra e, "E teie nei, ua hió oe e, ia tae taua buka ra i roto i te rima o taua Ekalesia rahi ra e te faufau, ua iriti-ê-hia'tu te mau mea papu e te faufaa hoi e rave rahi no roto i taua buka ra; o te Buka ia a te Arenio a te Atua." (I Nephi 13:28)

TE MAU BUKA MOE: Ua faaitehia mai te mau buka i moe i roto i te mau irava i raro nei: Iosua 10:13; Samuela I 10:25; Te Mau Aarii I 11:41; I Paraleipomeno 19:29; II Paraleipomeno 9:29; 20:34; 26:22; 33:19. Ua moe atoa te tahi parau a Paulo mai te faaitehia nei i Korinetea I 5:9; Ephesia 3:3; Korosa 4:16. A taió atoa i te parau moe a Iuda, tei faaitehia i Iuda 3.

E homa, e hiópoa tatou i teie mau mea tei papaihia i ma nei, e feruri atoa i nia i te parau i roto i II Nephi 28:29-30 e 29:3-8, o te na ô mai e, "Atae hoi oia o te parau atu e, I farii mai matou i te parau a te Atua, e aore e parau a te Atua toe tei ore i itehia e matou ra, ua navai hoi te reira ra ia matou.

Inaha hoi, te na ô maira te Fatu te Atua, E horoa van i te mau faaue i te mau tamarii a te taata, e ua na nia iho i te faaue, ua aó, e ua na nia iho i te aó, te tahi vahi iti i o nei, e mai reira hoi ei o te tahi vahi ite; e ao to ratou te faaroo i ta'u parau, e te horoa i te tariá i ta'u aó; e haapii hoi ratou i te parau paari, no te mea e, ua navai ta tatou, e rave-ê-hia ia ta ratou."

"E no te mea e hióhió atu ta'u mau parau, e parau ai te mau Etene e rave rahi e, E Bibilia! E Bibilia! E Bibilia



ta matou, e aore atu â Bibilia.

Te na ô maira te Fatu ra te Atua; E te maamaa, e Bibilia ta ratou, e no o mai hoi te reira i te ati Iuda i to'u ra feia faufaa tahito. E mauruuru anei ratou i te ati Iuda no te Bibilia i roaa ia ratou no ratou ra? Oia ia, eaha te manaó Etene ra? Ua haamanó anei ratou i te mau haerea, e te ohipa, e te mauui o te ati Iuda, e to ratou itoito no'u ra, i te faatupuraa i te ora no te Etene ra?

E te mau Etene e, ua haamanaó anei outou i to'u ra feia faufaa tahito ra, i te ati Iuda? Aore roa ia, ua faahapa râ, e ua inoino outou ia ratou ra, e aita hoi outou i imi ia faaora ia ratou. Inaha râ, e faafariu atu vau i taua mau mea atoa ra i nia iho i to outou upoo; no te mea aore to'u ra mau taata e moe ia'u nei, i te Fatu.

E tera ra maamaa e, o te parau e, E Bibilia, E Bibilia hoi ta matou, e aore atu â Bibilia ta matou e hinaaro. E Bibilia anei ta outou, maori râ o tei no o mai i te ati Iuda ra?

Aita outou i ite e, e rave rahi te mau nunaa, e ere i te hoé anaé? Aita outou i ite e, i hamani au, o te Fatu to outou Atua, i te taata atoa, e ua hamanaó hoi au i tei nia i te mau fenua moana ra; e te faatere nei au i roto i te mau raí i nia ra, e i roto hoi i te ao i raro nei, e te faatupu noa nei â i ta'u parau i te tamarii a te taata nei; oia ia, i te mau fenua o te ao atoa nei?

Eaha outou e amuamui ai, i te mea e roaa â ia outou ta'u nei parau? Aore anei outou i ite e, ua riro te faaite a na fenua e piti ei faaite ia outou e, o vau nei o te Atua, e hoé â to'u haamanaóraa i to te mau fenua atoa? E no reira, hoé â ta'u parau i to te tahi fenua e i to te tahi fenua. E ia fariu mai e piti pue fenua te tahi i te tahi, e faariro-atoa-hia mai hoi te ite a to taua pue fenua ra ei hoé."

(Tuatibia teie nei parau.)



## Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papaihia e Tamate; Faaauhia ei reo Tahiti e Ioane Orotona

*Te faaroo nei matou e, o taua mau faaueraa ra; te mata-muaraa, o te faaroo ia i to tatou Fatu ia Iesu Mesia; \* \* \**

Uiraa 1. Eaha te faaroo?

P. Hepera 11:1.

Parau Tauturu. Teie te auraa o te faaroo mai te au i te mau parau papai, o te faaroo ra, o te tiaturi papu ia i roto i te Atua, e to'na mau opuaraa, e ta'na mau parau. E mai te mea, ua tamauhia teie huru faaroo papu, e faaore te reira i te mau manaó feaa'toa no nia iho i te ohipa e te parau hoi a te Atua; noa'tu e mea haroaroa-ore-hia taua mau mea ra i te feruriraa o te taata nei. No reira, Paulo i parau ai e, o te tiaturi papu ia i te mau mea e tiaihia nei; e te ite i te mau mea, aore e hiohia nei.

Uiraa 2. Nahea e tupu ai to te taata faaroo?

P. Na te ite e faatupu i to tatou faaroo. Aita'tu e ravea e tupu ai te faaroo, maori râ, na roto i to tatou iteraraa e, te vai mau nei te Atua, e mea hanahana hoi oia. Na te ite maori e noaa'i te faaroo, e na te parau a te Atua i papaihia maira te ite. Te na reira maira te parau papai. E teie parau a te Atua i parauhia maira, na te reira e haa-papu i to tatou mau manaó no nia i te huru o te Atua e to'na vairaa.

Parau Tauturu. Na roto i to tatou iteraa i te huru o te Atua, oia hoi, to'na huru hape ore, e ta'na ohipa hoi ta'na i rave mai ia tatou nei, ua tupu noa to tatou faaroo i roto ia'na. No reira, aita e nebenehe ia faaroo maori râ, na roto i te ite. Area ra, te vai ra te faaroo i roto i te Etene, noa'tu i to'na maúa. No te mea, te vai ra te faaroo i roto i te



mau aau atoa o te taata nei. Ua paruparu te faaroo o te Edene no te mea, ua iti to'na ite

Ia tupu te ho'i uiraa, e haapapuhia to tatou ite no nia i te reira, na roto i to tatou hiopora'a tu i te huru o te mau ite, e te mau mea ta ratou e parau mai. Mai te mea, e parauhia te ho'e parau, e na roto i to tatou feruriraa e mana'o ai tatou e, ua hape. E faatiahia ra taua parau ra i roto i to tatou mana'o na roto i te parau a te mau ite ta tatou e tiaturi. E mea iti te taata no o nei, tei tae atu i te fenua Amerika. Noa'tu ra te reira, ua ite papu tatou, te vai ra taua fenua ra. Ua ite pinepene noa tatou i te mau taata no reira, e te vai ra hoi te tahi pae iti o tatou nei tei tae atu i taua fenua ra. E ia faaroo noa'tu tatou i ta ratou mau parau, ua tupu to tatou iteraa e, te vai mau nei te fenua Amerika. No reira, ua tupu to tatou faaroo no nia iho i taua vahi ra. Oia'toa te Atua. E mea iti te taata tei ite i te Atua. Area ra, ua ite papu tatou e, te vai mau ra te Atua. Nahea tatou i ite ai? Tera, na roto i to tatou tiaturiraa i te parau a taua mau ite ra te papai i te mau parau aput papai.

Uiraa 3. Ahiri e, ua iriti-e-hia'tu te faaroo o te taata nei; eaha ihora te hopea i reira?

P. Ahiri e, ua iriti-e-hia'tu te faaroo o te taata, ua pohe ihora te taata'toa nei.

Parau Tauturu. Ahiri aita tatou i faaroo e, e hotu mai te haari, aita iho a ia tatou e tanu. Oia'toa ia te mau mea atoa. Ia haamata tatou i te hamani i te ho'e boti, te faaroo nei tatou e, e oti taua boti ra. Ahiri aita ra; aita ia e haamata i te ohipa. Mai te reira hoi te huru o te mau opuaraa atoa i opuahia ra. Ia opuahia te ho'e opuaraa, te vai ra te faaroo papu, e tupu mau taua opuaraa. na



Ua mauruuru te Atua i te taata faaroo. E na roto hoi i te faaroo e tauturu ai te Atua ia'na. Na roto i te faaroo, ua pee no to Iseraela ia Mose na roto i te miti, e ua faaorahia ratou; a pohe ai to Aiphihi. (Exodo 14:22-29) (Hepera 11:29) E te parau faahou mai nei Paulo e, "E eaha' tu â ta'u parau ia parau? e maoro hua hoi ia parau vau ia Gideona, ia Baraka, ia Samasona, ia Iepheta, ia Davida, ia Samuela, e te mau peropheta ra; o tei pau ia ratou te mau basileia i te faaroo, e ua rave i te parau-tia ra, e ua noaa tei parauhia maira, ua opani i te vaha o te liona, ua tinai hoi i te puai o te auahi, ua ora i te mata ôé ra, ua faaetaetahia i te paruparuraa ra, aito roa'tura hoi i te tamaí, fati atura hoi ia ratou te mau nuu o te fenua êê ra." (Hebera 11:32-34) A taió maite tatou i te (Alama 14:26-29) (Helamana 5:20-52) (Mataio 8:23-32) (Mataio 21:17-22) (Luka 13:11-13; 14:2-4; 7:11-16) E mau irava maitatai anaé teie tei haapapu i te manaó e, e tiá te mau mea'toa na roto i te faaroo. A taió atoa i te Mataio 17:20. E mana mau to te faaroo. Ua parau pinepine maira Iesu e, "Ua ora oe i to faaroo na." E tapao mau te reira, e mana to te faaroo. E ua ite tatou e, aita e tia ia Iesu ia rave i te mau semeio rarahi i te hoé tai-me i to'na fenua no te faaroo ore o te taata. (Mataio 13:58; Mareko 6:5-6)

Uiraa 4. Eaha te mea i faatupuhia i te faaroo i roto i te taata a pure ai ratou?

P. Tera taua mea ra, oia hoi, na roto i to ratou iteraa e, ua fariihia te rahiraa o ta ratou mau ohipa e te Atua ra.

Uiraa 5. Eaha te mea i haamorohihia i te faaroo i roto i te taata a pure ai ratou?

P. Tera ia te pahonoraa, oia hoi, na roto i to ratou iteraa e, aita te rahiraa o ta ratou mau ohipa i fariihia e te Atua; e no reira, ua haama ratou i te ani noa ia'na.



Parau Tauturu. Mai te mea, te vai nei te ite papu i roto i to tatou mau aau e, te ravehia nei te ohipa maitai i te mau mahana'toa, e riro te reira ei faaitoitorea i te faaroo i roto i te taata. Area râ, ia ite te taata, aita ta ratou ohipa e fariihia na, e riro te reira i te haamorohi i te faaroo i roto ia ratou, e e faatupu hoi te haama a pure ai i te Atua no to'na mau maitai. Na roto i teie ite papu, ua vai tamau noa te Feia Moá tahito, e ua faaoromai hoi ratou i te mau ati huru rau. Ua taparahihia te tahi pae i te oé, e ua pehihia te tahi pae i te ofai; ua hurihia hoi te tahi pae i roto i te tapearaa. E oia'toa i teie mahana hopea nei; *mau* ua vai tamau â te Feia Moá, na roto i to ratou iteraa e, ua fariihia ta ratou mau ohipa e te Atua ra. No to ratou faaroo rahi i faaoromai noa'i ratou i te mau ati atoa, e tae noa'tu i te pohe. Ua farii râ ratou i te pohe ma te oaoa, no te mea, ua ite ratou e, ua au te reira i te mau opuaraa o te Atua. *a*

Uiraa 6. E mana faaora to te faaroo anaé? *anei*

P. Aita to te faaroo anaé e mana faaora, ia amuihia râ te ohipa; te vai ra te faaora i roto ia raua.

Parau Tauturu. Na roto i te tarehara o te Mesia, na *a* horoahia maira te ravea e ora'i te taata nei, ia vai râ to tatou faaroo i roto ia Iesu e tia'i. Ua na ô maira Paulo e, aore roa te Atua i mauruuru i te taata te ore e faaroo ia'na. (Hebera 11:6) Te haapii mai nei te parau papai e, e ora te taata te faaroo ia Iesu, e te haapao hoi i te ohipa i roto i taua faaroo ra. Ua na ô maira Iesu e, "O te faaroo e ua bapetizohia, e ora ia; area o te ore e faaroo ra, e faahapahia ia" (Mareko 16:16)

"O tei faaroo i te Tamaiti ra e ora mure ore to'na; e o tei ore i faaroo i te Tamaiti ra, e ore oia e ite i te ora; te vai ra ia te riri o te Atua i nia iho ia'na" (Ioane 3:36)

Aore te Atua e haapao i te huru o te taata; e no reira,



na roto i to'na aroha e roaa'i te faaroo i te mau huru taata atoa. Aita râ e roaa i te taata tei faateitei noa ia'na iho. Na roto râ i te haehaa o te aau e roaa'i te faaroo ra.

Ua haapii papu maira Iesu e, aita roa e faufaa no te faaroo, maori râ ua amui-atoa-hia te ohipa. Te na ô mai nei te hoé parau e, "Tei ia'na ta'u ra parau e ua haapao oia i taua parau ra, oia tei hinaaro mai ia'u; e tei hinaaro mai ia'u ra, e herehia mai oia e tau Metua ra; e e here hoi au ia'na, e e faaite atu hoi au ia'na ia'u iho" (Ioane 14:21) Tei rotopu ia tatou nei te hoé haapaoraa tei haapii ia tatou e, noa'tu e, ua hara noa te taata i roto i teie nei ao; mai te mea e fa'i atu ratou i to ratou faaroo ia Iesu i te taime ratou e pohe ai, e ora ia ratou. Hiópoa maite tatou i teie huru haapiiraa, ei reira taió maitai ai i te parau i roto i te Buka Iakopo. Ua na ô maira taua parau ra e, "Eaha te faufaa, e au mau taeae, ia parau mai te hoé e, e faaroo to'na, e aore a'na e ohipa, e ora anei oia i te faaroo? Ia pohe hoi te hoé taeae, e te hoé tuahine i te veve, e aore e maa i te mau mahana atoa, ia paran atu râ te hoé o outou ia rana ra, ia ora na i te haerea, ia mahanahana hoi orua, e ia paia hoi, aita râ i horoa'tu i te mea e maitai ai te tino-ra; eaha to reira faufaa? Oia atoa te faaroo, aore e ohipa ra, e mea pohe ia, i te mea te vai hoé noa ra. E tia noa hoi te hoé taata ia parau mai ia'na e, E faaroo to oe, e ohipa hoi ta'u; a faaite mai na oe i to oe faaroo, aore e ohipa ra, a faaite atu ai au ia oe i to'u faaroo i ta'u nei ohipa." (Iakopo 2:14-18) E amui atoa'tu i te parau a Ioane ra, o tei na ô mai e "teie te mea e ite ai tatou e, ua ite tatou ia'na, ia haapao tatou i ta'na parau, O tei parau e, Ua ite au ia'na, e aore oia i haapao i ta'na paran, e haavare oia, aore te parau mau i roto ia'na. O tei haapao râ i ta'na ra parau ua maitai roa mau â te hinaaro o te Atua ia'na: o te mea ia e ite ai tatou e, tei roto tatou ia'na ra." (I Ioane 2:3-5)



## Te Mau Parau Apî

Te rave noa nei te mau vahine i te mau huru ohipa'toa i te ao nei. E aita e nebenehe ia parau e, aita oia e au no te mau huru ohipa no te tane, no te mea e 37 anaé huru ohipa tane tei ore i ravehia e te vahine.

I roto i te mau avae imairi aénai a haere ai Henere Forada, ona te taata hamani pereoo uira, i roto i te fenua Italia i te oire Roma, ua fatata oia ia haavarehia. Ua iteahia, i te fenua Roma ra, te hoé parau tahito roa, e toru ahuru ma hoé api i papaihia i roto i te reo Heleni; ua parauhia taua parau ra e, "Tuatapapa Parau ia no te Mesia", papaihia e "Iosepha no Ierusalem". Ua hinaaro roa ra Forada i taua buka ra, e ua tuu oia i te moni e piti milioni dara, moni Marite, no taua parau ra. Aita râ te mau taata no te hau i Roma i faatia ia hoo mai i te reira, no te mea ua ite ratou e, e mau parau haavare taua parau râ, e te hoé ravea ia ia roaa mai te moni i te mau taata haavare, e no reira ua ora Forada na roto mai i taua ati ra.

Ua hamani te hoé tamaiti, o Moritz to'na i'oa e e hoé ahuru ma hitu to'na matahiti, i te hoé pahi manuâ i roto i te oire Denver i te fenua Amerika. E tamaiti ite roa oia i te faatereraa i te mau mea uira atoa, e ua hamani oia i to'na pahi nainai roa i roto i te hohoâ mau no te mau pahi tamaí. E pae avae e vaú initi te roa no taua pahi ra, e 55 kilo to'na faitoraa. Na te radio i faatere te mau mea atoa no te pahi, e te faea noa ra te tamaiti i nia i te uabu i piái iho i ta'na radio haapono parau, e ia taviri oia i te hoé taviri e haere ia te pahi i mua e aore râ i muri e aore râ faea noa i te hoé vahi mai te au i te hinaaro no taua tamaiti ra. Ua manaóhia e riro te ite e te mau manaó no te tamaiti ei mea faufaa rahi roa i te hau e i te mau taata fatu pahi atoa.



I te 2 no Fepuare, ua haruhia e ua faautnahia na taata e piti i te oire ra o New Orleans i Amerika. Ua êiâ raua i te hoé utuafare no te taata ereere, e ua hoo faahou atu raua i taua utuafare ra no te moni e piti ahuru dara.


I roto i te oire Minneapolis i Amerika i te avae Tenuare ua pohe te hoé taata ruâu roa. E taata au maitai oia i te mau tamarii e te mau taata atoa, e ua haere oia raua ta'na uri i te mau mahana atoa na nia i te mau purumu no taua oire ra. I te poheraa no taua taata ra, aita roa te uri i faatia i te hoé taata ia faafatata i te tino no to'na fatu. E taata veve râ oia e aita ta'na e moni no te haapaoraa i te hunaraa tino, no reira ua tupu te aroha no te mau mutoi no taua oire ra, e ua manaó ratou e, e hoochia ta'na uri no te moni ia haapao i te hunaraa maitai. Ua hoochia taua uri ra no te moni e hoé hanere dara, moni Marika, e ua haapaohia te hoé hunaraa tino maitai roa e i te vahi nehenehe hoi.

I te mataeinaa Taft i te tufaa fenua California, ua tupu te mau iore i te rahi-roa-raa, amu ihora ratou i te sitona e faaino noa ratou i te mau huru faaapu atoa. Ua imi noa te mau taata i te ravea ia faaorehia taua mau iore ino roa ra, aita roa râ e ravea i itehia no ta ratou fanau-pinepine-raa-hia. Ua maere roa te mau taata no taua fenua ra i te hoé poipoi no te mea e, ua ite ratou i te mau manu moana (sea gulls), e ono tauatini tia hapa, i te haereraa mai i roto i taua peho ra. Amu noa te mau manu i te iore e ua pau e 20 iore i te manu hoé i te mahana hoé, e no reira ua ora mai te mau taata faaapu no roto mai i ta ratou peapea rahi. Te faea noa ra taua mau manu ra i te pae miti; nahea râ ratou i ite ai e, te vai ra te fenua Taft e toru hanere maille i te atea e te hoé tamaaraa rahi roa i reira? Ua parau mai-ra te mau taata faaapu no taua fenua ra e, te vai noa nei te mau semeio e te mau ohipa maere i teie nei â mahana.



I te oire London i te fenua Baretane, ua amu te hoé daba i te hoé tamaaraa faufaa roa. Ua topa te hoé pute moni i roto i to'na vahi faearaa e ua rave ihora oia i te reira amu atura. Te vai ra i roto i taua pute moni ra e 250 dara moni Marite, e te oto noa ra te fatu no taua moni ra.

Ua afai-noa-hia e te mau pahi auahi te maa pape rahi no te mau taata, oia hoi, e 160 litera no te taata i te mahana hoé. E mea tia ia rave ratou i te reira no te inuraa e no te hopuraa atoa hoi. Ua rave noa te hoé pahi e hoé milioni maha hanere piti ahuru ma maha tauatani talana pape no te hoé haererāa no Marite e tae noa'tu i Baretane e ua pau e 804,000 talana i te mahana hoé,



PAHI MANUA I PANAMA

Alma G. Burton Imprimeur,

Rue Brea et de là rue Dumont d'Urville, Orovini, Papeete